



Llywodraeth Cymru
Welsh Government

www.gov.wales

**RHAGLEN GYFALAF AR GYFER GOFAL
PLANT A'R BLYNYDDOEDD CYNNAR
CANLLAWIAU GRANTIAU BACH BA2025-28**

Rhaglen Gyfalaf ar gyfer Gofal Plant a'r Blynyddoedd Cynnar

Cynulleidfa: Bwriedir i'r canllawiau hyn gael eu defnyddio gan awdurdodau lleol. Dylid eu defnyddio wrth baratoi i adolygu ceisiadau a dyfarnu cyllid o'r cynllun grantiau bach.

Rhagor o wybodaeth: Dylid cyfeirio ymholiadau am y ddogfen hon neu unrhyw gwestiynau pellach ynglŷn â'r rhaglen hon at eich Rheolwyr Cyfalaf yn yr Is-adran y Blynyddoedd Cynnar, Gofal Plant a Chwarae.

Dogfen gysylltiedig: Rhaglen Gyfalaf ar gyfer Gofal Plant a'r Blynyddoedd Cynnar
- Canllawiau ar lunio Achos Cyfiawnhad Busnes, fersiwn dyddiedig – Ebrill 2026

This document is also available in English.

Cynnwys

1. Cyflwyniad.....	4
2. Cymhwysedd	5
3. Amcanion a Blaenoriaethau	6
4. Beth y gellir ei ariannu?	6
5. Canllawiau ar geisiadau am Gyllid Grantiau Bach	7
6. Nodiadau pellach ynglŷn â cheisiadau am grant gan warchodwyr plant..	8
7. Telerau ac Amodau	9
8. Cwestiynau Cyffredin	10

RHAGLEN GYFALAF AR GYFER GOFAL PLANT A'R BLYNYDDOEDD CYNNAR

CYNLLUN GRANTIAU BACH 2025-28

1. Cyflwyniad

- 1.1. Rheolir y Cynllun Grantiau Bach ar gyfer Gofal Plant a'r Blynyddoedd Cynnar (y cyfeirir ato o hyn ymlaen fel 'y Grant') gan yr awdurdod lleol, gan ddefnyddio'r systemau sydd ganddo eisoes ar waith i weinyddu ffrydiau ariannu eraill ar gyfer Gofal Plant a'r Blynyddoedd Cynnar.
- 1.2. Mater i bob awdurdod lleol fydd penderfynu pa mor aml y bydd yn derbyn ceisiadau, ond dylai sicrhau bod y 'cylchoedd cynnig' hyn yn ddigon aml i alluogi darparwyr gofal plant sydd wedi'u cofrestru ag Arolygiaeth Gofal Cymru (AGC) i sicrhau'r cyllid sydd ei angen arnynt cyn gynted â phosibl.
- 1.3. Disgwylir i'r awdurdod lleol wneud y canlynol:
 - Cadw cofnod o'r holl geisiadau a ddaw i law, gan gynnwys enw'r darparwr, y swm y gofynnwyd amdano a'r rheswm dros y cynnig, prif iaith y ddarpariaeth (Cymraeg, dwyieithog, Saesneg) nifer y plant yn y lleoliad ac ardaloedd y ddarpariaeth (os yw'n gymwys), e.e.
 - Dechrau'n Deg
 - Y Cynnig Gofal Plant
 - Dysgu Sylfaen
 - Cofnodi'r dyddiad yr ystyriwyd y cais gennych chi fel yr awdurdod lleol, nodi cynrychiolwyr yr awdurdod lleol a oedd yn bresennol a ph'un a gymeradwywyd cyllid ai peidio;
 - Os cymeradwyir cyllid, dylid cofnodi'r swm mewn llythyr cynnig grant ffurfiol i'r ymgeisydd sy'n nodi'r telerau ac amodau* sy'n gysylltiedig â'r cynnig, a rhaid i'r ymgeisydd ymrwymo i'r telerau ac amodau hynny.
 - Os na chymeradwyir cyllid, dylid hysbysu'r ymgeisydd yn ysgrifenedig am hynny; a hefyd
 - Dylid cofnodi manylion y cyllid a pha wiriadau a wnaed i gadarnhau bod y gwaith wedi'i gwblhau.
- 1.4. Bydd angen i'r awdurdod lleol gadw'r wybodaeth y manylir arni uchod rhag ofn i Lywodraeth Cymru ofyn amdani at ddibenion archwilio. Fel amod o dderbyn cyllid drwy'r Rhaglen, mae'n ofynnol i awdurdodau lleol gyflwyno adroddiadau cynnydd chwarterol. Felly, dylid cynnwys crynodeb byr o'r cyllid grantiau bach a ddyfarnwyd yn ystod y chwarter yn yr adroddiad cynnydd chwarterol.

* Gweler manylion yn adran 7 isod ynglŷn â thelerau ac amodau'r grant.

2. Cymhwysedd

2.1. Wrth ystyried cais, bydd angen i awdurdod lleol sicrhau bod yr ymgeisydd yn gymwys ac yn bodloni'r meini prawf y manylir arnynt isod:

- Mae **pob** lleoliad sydd wedi'i gofrestru ag Arolygiaeth Gofal Cymru yn gymwys i wneud cais. Mae hyn yn cynnwys gwarchodwyr plant, darparwyr gofal dydd preifat a gwirfoddol, a lleoliadau a gynhelir gan yr awdurdod lleol sy'n cynnig gofal dydd llawn, gofal dydd sesiynol, chwarae mynediad agored, creche a gofal plant y tu allan i oriau ysgol. Gellir hefyd ystyried ceisiadau gan ddarparwyr gofal plant sydd wrthi'n gwneud cais i gofrestru; bydd angen i'r awdurdod lleol fod yn fodlon bod y darparwr wrthi'n gwneud y cais hwnnw i AGC mewn gwirionedd.
- Rhaid i'r lleoliad gofal plant fod wedi'i leoli yng Nghymru; ni ellir ystyried ceisiadau ar gyfer lleoliadau gofal plant yn Lloegr, hyd yn oed os oes plant o Gymru yn eu mynychu.
- Dylai pob cais gael ei wneud i'r awdurdod lleol yn ardal cyfeiriad y lleoliad a gofrestrwyd ag AGC; ni all darparwr wneud cais i fwy nag un awdurdod lleol, er ei fod o bosibl yn derbyn plant o fwy nag un ardal awdurdod lleol. Os oes gan ddarparwr fwy nag un lleoliad cofrestredig, yna bydd angen iddo wneud ceisiadau unigol ar gyfer pob lleoliad i'r awdurdod lleol perthnasol, ac ni fydd yn gallu trosglwyddo arian rhwng prosiectau.
- Mater i'r awdurdod lleol yw penderfynu a ddylid cefnogi eitem, gweithgaredd neu ddarn penodol o waith drwy'r Cynllun Grantiau Bach.

2.2. Wrth wneud cais, rhaid i ddarparwr:

- Allu dangos budd y buddsoddiad i'r lleoliad a'r plant;
- Bod wedi'i gofrestru ag AGC neu, yn achos darparwyr newydd, rhoi ymgymieriad ysgrifenedig y bydd yn cofrestru ag AGC cyn gynted â phosibl. Os na fydd lleoliad wedi cofrestru o fewn chwe mis i ddefnyddio'r grant, gall yr awdurdod lleol gymryd camau i adennill yr arian;
- Cydnabod y buddsoddiad y mae wedi'i gael mewn unrhyw ddeunydd hyrwyddo a roddir i rieni;
- Bod yn barod i ymrwymo i gynnig gofal plant am bum mlynedd o leiaf o'r dyddiad y caiff y taliad grant olaf ei wneud a chydabod, os bydd yn rhoi'r gorau i gynnig lleoedd gofal plant neu'n derbyn plant sy'n talu ffi breifat yn lle plant sy'n cael gofal plant a ariennir gan Lywodraeth Cymru fel mater o drefn, y gall fod yn rhaid iddo ad-dalu'r holl gyllid grant a gafwyd, neu rywfaint ohono. Bydd y swm i'w ad-dalu yn amrywio yn dibynnu ar yr amgylchiadau, a chaiff ei deilwra yn ôl pryd yn ystod y cyfnod pum mlynedd y bydd hyn yn digwydd. Dylid defnyddio'r tabl isod fel canllaw. Rhaid trafod lefel y cyllid i'w adfachu â swyddog yn Llywodraeth Cymru.

Amser ers dyfarnu'r grant	Canran y cyllid i'w hawlio'n ôl
Llai na blwyddyn	100%
Blwyddyn	80%
2 flynedd	60%
3 blynedd	40%
4 blynedd	20%

3. Amcanion a Blaenoriaethau

3.1. Blaenoriaethau grantiau bach, nad ydynt mewn trefn blaenoriaeth:

- Cefnogi Asesiadau o Ddigonolrwydd Gofal Plant awdurdodau lleol a chynlluniau gweithredu blynyddol.
- Lleoliadau sy'n cynnig darpariaeth cyfrwng Cymraeg a/neu sy'n rhoi pwyslais penodol ar gryfhau'r ddarpariaeth cyfrwng Cymraeg.
- Lleoliadau sy'n cefnogi agenda cydleoli gwasanaethau Llywodraeth Cymru yn uniongyrchol, er enghraifft ar safleoedd ysgol, mewn adeiladau cymunedol a hybiau ieuchyd;
- Lleoliadau sy'n cynnig lleoedd y Cynnig Gofal Plant, Dechrau'n Deg a/neu Ddysgu Sylfaen;
- Gofal plant y tu allan i oriau ysgol a gwella cyfleoedd chwarae i blant.
- Gofal plant y gellir ei ddarparu drwy'r dydd, yn ystod y tymor ac yn ystod gwyliau'r ysgol er mwyn cynyddu'r ddarpariaeth i deuluoedd i'r eithaf drwy'r flwyddyn.
- Mae Cyllid Grantiau Bach hefyd ar gael i Leoliadau Dechrau'n Deg/Hybiau presennol.
- Lleoliadau sy'n cefnogi plant anabl a phlant ag anghenion dysgu ychwanegol.

4. Beth y gellir ei ariannu?

4.1. Byddem yn disgwyl i'r swm sydd ar gael i unrhyw leoliad mewn unrhyw flwyddyn ariannol ddilyn y drefn isod, ond gall yr awdurdod lleol arfer ei farn i gynnig mwy na'r uchafswm mewn amgylchiadau eithriadol. Rhaid i awdurdodau lleol drafod a chytuno â rheolwyr cyfalaf Gofal Plant a'r Blynyddoedd Cynnar Llywodraeth Cymru **cyn** cytuno ar gyllid o dan y rheol Amgylchiadau Eithriadol.

4.2. Mae yn ôl disgrisiwn yr awdurdod lleol i benderfynu a ddyfernir cyllid i warchodwr plant unigol, neu ddarparwr gofal plant, mewn unrhyw flwyddyn benodol. Dylai penderfyniadau fod yn seiliedig ar flaenoriaethu gwaith o fewn ardal yr awdurdod lleol, angen lleol a nodwyd, ac argaeledd cyllid. Caiff yr

awdurdod lleol ddyfarnu'r swm cymwys llawn, cyfran o'r swm cymwys, neu benderfynu peidio â dyfarnu cyllid.

Lleoedd Gofal Plant Cofrestredig	Uchafswm Dyfarniad FY26-27
Gwarchodwyr plant sydd wedi'u cofrestru i gynnig hyd at 10 lle	£10,000
Darparwyr gofal plant sydd wedi'u cofrestru i gynnig hyd at 15 o leoedd	£20,000
Darparwyr gofal plant sydd wedi'u cofrestru i gynnig rhwng 16 a 29 o leoedd	£30,000
Darparwyr gofal plant sydd wedi'u cofrestru i ddarparu 30+ o leoedd	£40,000

5. Canllawiau ar geisiadau am Gyllid Grantiau Bach

5.1. Gellir cynnig cyllid ar gyfer amryw waith cyfalaf y gall fod ei angen, er enghraifft:

- Gwaith adnewyddu cyffredinol, gan gynnwys paentio, gosod carpedi newydd;
- Gofyniad cynhaliaeth untro ar gyfer lleoliadau presennol
- Cadeiriau gwrthio a seddi car i'w defnyddio gan warchodwyr plant a lleoliadau gofal plant yn ôl disgrisiwn yr awdurdod lleol
- Gwella'r cyfleusterau chwarae yn yr awyr agored, fel gosod arwyneb chwarae newydd yn yr awyr agored, cysgodfeydd neu ganopi fel y gellir chwarae a dysgu ym mhob tywydd¹
- Trwsio gosodiadau a ffitiadau cyffredinol fel toiledau, cyfleusterau cegin, ffenestri, drysau, neu osod rhai newydd yn eu lle
- Prynu cyfarpar/dodrefn/teganau newydd yn lle rhai a allai beri risg i iechyd a diogelwch. Er enghraifft, ffrâm ddringo yn yr awyr agored sydd wedi rhydu, dodrefn sydd wedi torri neu dreulio, a allai achosi fflawiau; neu fwrdd newid cewynnau blêr ac sydd wedi'i ddefnyddio'n helaeth, na ellir ei lanhau'n hylan mwyach *
- Cyfarpar TG ar yr amod y gellir dangos yn glir y caiff ei ddefnyddio i helpu'r lleoliad i ddarparu cynnig mwy digidol i rieni (h.y. galluogi lleoliad i e-bostio

¹*Mae gan lyfrgell adnoddau Chwarae Cymru ystod o becynnau ac adnoddau defnyddiol a all helpu i ddatblygu a rheoli ardaloedd chwarae, cymorth i greu ardaloedd chwarae hygrych, a chyfleoedd chwarae awyr agored yn lleoliadau'r blynyddoedd cynnar. Mae'r llyfrgell adnoddau i'w gweld yma: [Chwarae Cymru – Llyfrgell Adnoddau](#). Mae adran Diogelwch Chwarae RoSPA hefyd yn cynnig cyngor a gwybodaeth am reoli meysydd chwarae a diogelwch ardaloedd chwarae dan do ac awyr agored, ac yn darparu ar gyfer ystod o offer, o byllau peli i ardaloedd chwarae â thywod ac offer chwarae pren: [Cyngor a Gwybodaeth RoSPA](#).

adroddiadau) a chefnogi datblygiad y plant. Gallai hyn gynnwys gliniaduron, ipads ac argraffyddion

- Darparu cyfarpar/dodrefn/cyfarpar ystafell synhwyrdd pwrpasol a fydd yn galluogi darparwr i ofalu am blentyn anabl neu blentyn ag anghenion dysgu ychwanegol
- Prynu dodrefn newydd ar gyfer lleoliadau gofal plant newydd
- Gellir cefnogi paneli solar o dan y cyllid grantiau bach lle gall lleoliad gofal plant/gwarchodwr plant ddangos yn glir gyfanswm cost a budd/adenillion o fuddsoddi. Gellir ystyried cyfraniad gan yr awdurdod lleol perthnasol lle mae gwarchodwr plant yn gofyn am baneli solar. Gweler adran 6.1
- Mewn amgylchiadau eithriadol cyfrannu at brynu cerbyd a fyddai'n cael ei ddefnyddio i gludo plant rhwng lleoliadau gofal plant ac addysg, neu gefnogi plant anabl a phlant ag Anghenion Dysgu Ychwanegol (ADY) neu blant sy'n byw mewn lleoliadau gwledig i fanteisio ar ofal plant. Nid yw costau lesio na chostau rhedeg y cerbyd fel yswiriant, tanwydd a gwasanaethu yn gymwys i gael cyllid.

5.2. Dim ond ar gyfer pryniannau cyfalaf y gellir defnyddio'r cyllid grant. Hynny, yw, rhywbeth sydd â gwerth ailwerthu neu sy'n gwella gwerth yr eiddo. Ni ellir ei ddefnyddio i ariannu:

- Prynu nwyddau traul, fel papur, deunyddiau glanhau, cewynnau, ac ati.
- Costau staff fel cyflogau, hyfforddiant, teithio a chynhaliaeth.
- Prynu dillad, e.e. tabardau, smociau, welintons, ac ati;
- Biliau cyfleustodau fel nwy, trydan, ardrethi.
- Darparu costau rhedeg ar gyfer cysylltiadau Wi-Fi neu linell ffôn.
- Costau yswiriant fel yswiriant adeiladau, yswiriant atebolrwydd cyflogwr.

5.3. Nid yw'r rhestr hon yn gynhwysfawr. Os bydd unrhyw amheuaeth ynglŷn â chymhwysra eitem, cysylltwch â'ch Rheolwr Cyfrif Cyfalaf yn Llywodraeth Cymru. Gweler hefyd restr o Gwestiynau Cyffredin yn adran 8.

6. Nodiadau pellach ynglŷn â cheisiadau am grant gan warchodwyr plant

6.1. Gan fod gwarchodwyr plant yn gweithio ar safleoedd domestig, dylent nodi'n glir natur yr hyn y gofynnir amdano a pham, a sut y bydd o fudd i'r lleoliad gwarchod plant a'r plant yn eu gofal. Dylai cais am gyfraniad ar gyfer gwaith mewn ardaloedd cymunedol o gartref y gwarchodwr plant gael ei ystyried a phenderfynir arno gan yr awdurdod lleol. Fodd bynnag, dylid asesu pob achos ar sail angen, amgylchiadau ac amgylchedd y lleoliad gwarchod plant.

7. Telerau ac Amodau

- 7.1. Bydd disgwyl i bob darparwr sy'n cael cyllid drwy'r Cynllun Grantiau Bach dderbyn y cynnig yn ffurfiol yn ysgrifenedig (gellir derbyn e-bost), a rhaid iddynt hefyd ymrwymo i delerau ac amodau'r grant.
- 7.2. Dylai'r awdurdod lleol seilio'r telerau ac amodau ar y rheini a ddefnyddir ar gyfer grantiau eraill ar gyfer y blynyddoedd cynnar a weinyddir ganddo. Fodd bynnag, dylai gynnwys y cymalau ychwanegol canlynol:
- Darperir y cyllid gan Lywodraeth Cymru a dylid cydnabod hyn mewn unrhyw lenyddiaeth a gohebiaeth ar y cyfryngau cymdeithasol fel cylchlythyrau, gan ddefnyddio brand perthnasol Llywodraeth Cymru.
 - Wrth dderbyn y cynnig hwn o gyllid, mae'r ymgeisydd yn cytuno i gynnig lleoedd gofal plant am bum mlynedd o leiaf o'r dyddiad y caiff y cyllid grant ei dalu.
 - Os bydd yr ymgeisydd yn penderfynu peidio â derbyn plant sy'n cael gofal plant drwy raglen a ariennir gan Lywodraeth Cymru, yna gall fod yn rhaid iddo ad-dalu'r holl gyllid a dalwyd, neu rywfaint ohono. **Ni** fydd hyn yn gymwys os gall yr ymgeisydd ddangos yn glir y byddai'n croesawu plant o dan y rhaglenni hyn ond nad oes capasiti neu nad yw'r lleoliad yn gymwys i ddarparu rhaglenni gofal plant a ariennir, er enghraifft gofal plant y tu allan i oriau ysgol / chwarae mynediad agored / creche.
 - Rhaid i'r cyllid gael ei wario'n gyfan gwbl ar yr eitemau hynny yr ystyrir eu bod yn gymwys ar gyfer cyllid. Os bydd tystiolaeth bod unrhyw ran o'r cyllid wedi'i wario ar eitemau anghymwys, yna bydd yn rhaid i'r ymgeisydd ad-dalu'r swm hwnnw.
 - Gall darparwr wneud cais am gyllid ar gyfer yr un lleoliad fwy nag unwaith mewn unrhyw flwyddyn ariannol, ar yr amod nad yw'r cyfanswm a ddyfernir i un lleoliad yn fwy na'r swm a nodir ym mharagraff 4.1.
- 7.3. Noder na fydd Llywodraeth Cymru yn ceisio adennill cyllid gan awdurdod lleol mewn perthynas ag arian y mae wedi methu â'i adennill gan drydydd parti, ar yr amod y gall ddangos ei fod wedi cymryd pob cam rhesymol i adennill y cyllid gan y darparwr.

8. Cwestiynau Cyffredin

C1.	A all darparwr sydd â mwy nag un lleoliad wneud cais am grant ar gyfer pob un o'i leoliadau?
A.	Gall. Gall busnes wneud cais am grant ar gyfer pob lleoliad, ar yr amod bod pob un o'i leoliadau wedi'u cofrestru gydag Arolygiaeth Gofal Cymru yn unigol. Byddai angen i'r darparwr gyflwyno un cais fesul lleoliad, i'r awdurdod lleol perthnasol.
C2.	A ellir defnyddio'r grant ar gyfer costau sefydlu?
A.	Gellir - gall y grant gael ei ddefnyddio i brynu eitemau fel rhan o gostau sefydlu cychwynnol.
C3.	Os daw cais i law gan warchodwyr plant sy'n cydweithio â'i gilydd, gan eu bod wedi'u cofrestru ar wahân gan AGC, a allant wneud cais am £10,000 yr un?
A.	Na all. Terfynau fesul lleoliad sydd wedi'u nodi yn ein canllawiau ar grantiau bach. Felly, os bydd gwarchodwyr plant yn cydweithio ar un safle domestig, dim ond am grant hyd at £10,000 y byddent yn gallu gwneud cais amdano mewn blwyddyn ariannol. Os byddant hefyd yn gweithio mewn lleoliad domestig arall, gallai pob lleoliad wneud cais am grant os bydd yn bodloni'r meini prawf.
C4.	A yw gwarchodwyr plant yn gymwys i gael cyfraniad at gost prynu cerbyd?
A.	Mewn <u>amgylchiadau eithriadol</u> , gall yr awdurdod lleol ystyried priodoldeb ariannu cyfran o gostau cerbyd. Wrth wneud hynny, byddai angen iddo ystyried y canlynol: - y rheswm pam mae angen cerbyd ar y gwarchodwr/gwarchodwyr plant a sut y byddai o fudd iddo/iddynt a'r plant yn ei ofal/eu gofal. - a fydd yn cael ei ddefnyddio i gludo plant i ddarpariaeth dysgu sylfaen neu ofal plant arall ac oddi yno - a fydd yn cael ei ddefnyddio i gefnogi plant anabl a phlant ag ADY i fanteisio ar ofal plant - rhaid ystyried lleoliad y ddarpariaeth h.y. lleoliadau gwledig - a fydd y cerbyd yn cael ei ddefnyddio at ddiben personol hefyd? Os felly, beth yw cyfran y defnydd preifat a'r defnydd busnes; pa gyfraniad fyddai'n rhesymol yn yr amgylchiadau hyn?

	Noder: Nid yw costau lesio na chostau rhedeg cerbyd yn gymwys ar gyfer y grant hwn.
C5.	A allwn ariannu ceisiadau ar gyfer seddi plant?
A.	Gellir cefnogi seddi car o dan y grant, fodd bynnag, rhaid i'r darparwr ddangos bod hyn at ddibenion gofal plant fel rhan o ddarpariaeth gofal plant. Bydd hyn yn gymwys ar gyfer gwarchodwyr plant a lleoliadau gofal plant. Mater i'r awdurdod lleol yw penderfynu a yw am gefnogi'r eitem hon, yn seiliedig ar y wybodaeth a roddwyd gan y sawl sy'n gwneud y cais.
C6.	A allwn ariannu cost gosod ffenestri a gatiau newydd?
A.	Gallwch. Mae costau trwsio gosodiadau a ffitiadau fel toiledau, cyfleusterau cegin, ffenestri, drysau, neu osod rhai newydd yn eu lle yn gymwys ar gyfer y grant. Fodd bynnag, dylid ystyried ceisiadau o'r fath gan warchodwyr plant fesul achos, a dim ond mewn amgylchiadau eithriadol y dylid eu hariannu, gyda chyfraniad at y gost gan y gwarchodwr plant ar gyfer ardaloedd cymunedol.
C7.	A ellir defnyddio'r cyllid i osod llawr newydd?
A.	Gellir. Os bydd yr ymgeiswyr wedi rhoi cyfiawnhad digonol gyda'u cais. Er enghraifft, bod y llawr presennol (mewnol neu allanol) yn peri risg i iechyd neu ddiogelwch neu ei fod yn anaddas, neu y byddai llawr newydd yn galluogi'r plant i fanteisio ar amrywiaeth ehangach o weithgareddau. Byddem yn disgwyl i'r darparwr ddangos ei fod wedi ystyried ac asesu risg mathau gwahanol o lawr er mwyn sicrhau bod yr un y gwneir cais ar ei gyfer yn wydn/addas at y diben.
C8.	A ellir defnyddio'r grant i brynu eitemau fel llyfrau, dillad (er enghraifft welintons/tabardau/smociau)?
A.	Na ellir. Byddai'r rhain yn cael eu hystyried yn nwyddau traul, felly nid ydynt yn gymwys o dan y cynllun grantiau bach.
C9.	Rydym yn rhagweld na fyddwn yn gwario ein cyllid grantiau bach i gyd. A allwn drosglwyddo rhywfaint o'n dyraniad i ariannu diffygion mewn prosiectau cyfalaf mwy neu benodi aelodau o staff i gynorthwyo â grantiau cyfalaf?

A.	Na allwch. Dim ond yn unol â'r canllawiau y dylid dyrannu cyllid o dan y cynllun grantiau bach. Felly, ni ellir ei drosglwyddo i brosiectau cyfalaf eraill na'i ddefnyddio i ariannu swyddi.
C10.	A ellir defnyddio'r grant i brynu paneli solar a beth y mae angen i mi ei ystyried wrth ddatblygu cais ar gyfer paneli solar?
A.	Gellir, gall paneli solar gael eu cefnogi drwy'r grant hwn. Byddem yn eich cynghori i estyn allan i awdurdodau lleol eraill i geisio cyngor ar sut maent wedi rheoli'r broses o brynu paneli solar.
C11.	A yw'r rhaglen grantiau bach yn rhaglen dreigl?
A.	Nac ydyw, dyraniad blynyddol i awdurdodau lleol ydyw, a rhaid gwario'r cyllid o fewn y flwyddyn ariannol y caiff ei ddyrannu.